

“Қалбларга йўл топган ижодкорлар”

2020 йил 19 ноябрь куни Данғара тумани Ахборот-кутубхона марказининг ўқув залида “INFOLIB – UZBEKISTAN-2020” IX Миллий Ахборот-кутубхона ҳафталиги” доирасида Ўзбекистон Ёзувчилар уюшмаси аъзолари – Носир Зоҳид ва шоиралар Мақсуда Эгамбердиева ҳамда Фарида Ҳусайновалар билан “Қалбларга йўл топган ижодкорлар” деб номланган ижодий учрашув бўлиб ўтди.

Учрашувда Ахборот-кутубхона марказининг энг фаол китобхонлари ҳам иштирок этди. Кечада Носир Зоҳиднинг ҳаёти ва ижодига бағишланган “Носир Зоҳид билан биргамиз” деб номланган китоблар кўргазмаси ва видеоролик намойиш этилди. Учрашувда ижодкорлар йиғилганларга ўзларининг ижод намуналаридан ўқиб бериб, китобхонларга янги нашрдан чиққан адабиётлардан совға қилдилар. Тадбир давомида иштирокчилар ҳамда кутубхона ходимлари томонидан ижодкорларга саволлар берилди.

Тадбирда китобхонлар ижодкорларнинг ҳаёти ва ижодий фаолияти, уларнинг асарлари ҳамда ёзган шеърларининг моҳияти билан яқиндан танишди. Учрашув кечаси сўнггида ёзувчи ва шоирлар Ахборот-кутубхона маркази ҳамда “Ишонч” кредит-савдо маркази томонидан эсталик совғалари топширилди.





2020-11-20 09:09:57